



Prosjektmandat (administrativ bestilling)

Prosjektnr (økonomi)	Namn Folkehelseprosjekt 2017	Saknr (websak)
Prosjektfase	jan 2017 – des 2017	
Organisering		
Oppdragsgjevar: Rådmannen		
Prosjektansvarleg: Ass. rådmann		
Styringsgruppe: rådmannen sin leiargruppe og kommuneoverlegen		
Politisk styringsgruppe: Levekårsutvalet		
Prosjektleiar: Koordinator for folkehelse og samfunnsplanlegging		
Prosjektgruppe: tverrfagleg samansett, frå ulike sektorer (5-6 personar)		
Bakgrunn og forankring		
<u>Bakgrunn for prosjektet:</u> Kommunen har gjennom Lov om folkehelsearbeid (Folkehelselova) §4 ansvar for folkehelsearbeid. Kommunen skal fremje befolkninga si helse, trivsel, gode sosiale og miljømessige forhold og bidra til å førebygge psykisk og somatisk sjukdom, skade eller lidning, bidra til utjamning av sosiale helsekilnader og bidra til å beskytte befolkninga mot faktorar som kan ha negativ innverknad på helsa. Kommunen skal fremje folkehelse innan dei oppgåver og med dei verkemidlar kommunen er tillagt, her under ved lokal utvikling, planlegging og tenesteyting. Kommunen skal medverke til at helsemessige omsyn blir ivaretakne av andre myndigheter og verksemder. Medverknad skal skje bla a gjennom råd, uttaler, samarbeid og deltaking i planlegginga. Kommunen skal legge til rette for samarbeid med frivillig sektor. Utfordringane i folkehelsearbeidet fram går av kravet om systematisk kartlegging av folkehelsa og tiltaksplikt for å møte samansette og komplekse samfunns-utfordringar. Kommunen skal ta i bruk alle sektorar , ha fokus på befolningsstrategiar, samhandel og sikre styring med folkehelsearbeidet for å redusera omfanget av sjukdom og bidra til å utjamne sosiale helsekilnader, innanfor dei rammene og med dei tenestene kommunen er tillagt.		

Lindås kommune har som målsetting å styrke folkehelsearbeidet.

Det er tilsett ein koordinator for folkehelse og samfunnsplanlegging i eit treårig engasjement.

Utførte oppgåver i 2016:

Det er utarbeida eit oversiktsarbeid over folkehelsa i Lindås kommune i mars 2016.

Folkehelselova § 5 angir at kommunen skal ha nødvendig oversikt over helsetilstanden i befolkninga og påverknadsfaktorar, som skal inngå som grunnlag for arbeidet med kommunen sin planstrategi. Eit oversiktsdokument skal lagast kvart 4.år, i tillegg skal kommunen ha ein løypande oversikt. Det løypande oversiktsarbeidet kan vere krevjande å finne ei god form på, men ei tverrfagleg folkehelsegruppe kan vere ein nøkkel for å få dette til.

Kommunen har over tid jobba systematisk med trafikktryggleik og blei i 2016 godkjent som trafiksikker kommune. Dette inneber at dei ulike sektorane har sikra gode planar og rutinar for trafikktryggleiksarbeid.

Folkehelse har lenge vore eit satsingsområde for Lindås kommune, men har mangla forankring i overordna planar. Med auka fokus på bakanforliggande faktorar som påverkar helse slik som utdanning, jobb, bustad og oppvekstmiljø peiker folkehelselova mot eit breiare samfunnsretta folkehelsearbeid. Kommunen jobbar no med kommuneplanen sin samfunnsdel. Samfunnsdelen er eit sentralt verktøy for folkehelsearbeidet i kommunen. I arbeidet med samfunnsdelen legg ein opp til ei brei medverknad frå innbyggjarar, administrasjon og politiske råd og utval. Medverknad er eit viktig prinsipp i samfunnsplanlegginga og viktig i eit folkehelseperspektiv.

Folkehelseperspektivet vil vere eit førande prinsipp i samfunnsdelen i kommuneplanen.

Folkehelseprosjekt 2017:

Ettersom kommunen sin samfunnsdel er under arbeid vil ein etablere eit mellombels folkehelseprosjekt i 2017. Målet er å starte arbeidet med det systematiske folkehelsearbeidet gjennom ei tverrfagleg gruppe, i tillegg til å starte ulike prosjekt som er retta mot førebygging og folkehelse. Når samfunnsdelen er vedtatt vil ein vurdere korleis ein skal følgje det opp vidare dei neste åra og korleis ein skal organisere det arbeidet.

Hovudmål:

Aktivt og målretta folkehelsearbeid i alle sektorar.

Tre delmål:

- **Systematisering og koordinering av tverrsektorelt folkehelsearbeidet**
- **Iverksetting av systematikken – operasjonalisering av strategiar**
- **Helse-gevinstar som følgje av operasjonalisering, samhandling og brei tilnærming**

Resultatmål

- Etablera ei tverrfagleg samansett gruppe som skal koordinere og samordne det sektorovergripande folkehelsearbeidet i kommunen, i samsvar med folkehelselova. Gruppa skal vere eit forum for informasjon og samarbeid i folkehelsesatsinga på tvers av sektorane. Etablere ein fast møtestruktur.
- Gruppa skal ha løpende oversikt over det kommunale folkehelsearbeidet, bidra til systematikk både i oversiktarbeidet og folkehelsearbeidet.
- Utarbeide årsplan for folkehelsearbeidet, samt lage ei årsmelding om kommunens folkehelsearbeid, der ein har fått rapportar frå alle sektorane. Målet med årsmeldinga er å synleggjere det tverrsektorielle folkehelsearbeidet og bevisstgjere kring roller og ansvar.
- Etablere ei folkehelseeveke med ulike aktivitetar ut i samfunnet og i organisasjonen
- Gjennomføre Sykle til jobben 2017
- Følgje opp arbeidet med Trafikksikker kommune og handlingsdelen i kommunedelplan for trafikksikring.
- Kunnskaps- og motivasjonsseminar – økt fysisk aktivitet i skulen
- Følgje opp andre relevante folkehelsetiltak i relevante planar.

Effektmål

Folkehelsegruppa skal:

- Styrke folkehelsearbeidet i alle sektorar
- Jobbe frem ein felles forståing av kva folkehelseansvaret inneber for kommunen
- Sikre ei felles styring på folkehelsearbeidet med fokus på folkehelse og påverknadsfaktorane for helse i det kommunale plan-, forvaltnings- og tenesteapparatet

Effekt på lengre sikt:

- Ha på plass eit systematisk og langsiktig folkehelsearbeid, med organisering, forankring, utvikling av kunnskap og forståing for folkehelsearbeidet i hele organisasjonen.
- Folkehelseperspektivet er implementert i heile plansystemet til kommunen.
- Alle avdelingar utifrå sitt verksemdsområde definerer årleg konkrete mål, strategiar og tiltak for å fremje helse og utjamne helseskilnader i sine verksemdsplanar.
- Status, framdrift om måloppnåing rapporteras årleg frå leiarar via folkehelsekoordinator(folkehelsegruppa) til administrativ og politisk leiing.

Rammer

<i>Økonomi/finansiering</i>	<i>Beløp i kr</i>
Sykle til jobben	50.000,-
Økt fokus på fysisk aktivitet i skulen, Kunnskaps- og motivasjonsseminar	50.000,-
Folkehelseeveke	50.000,-

Risikofaktorar

Det er viktig at folkehelse er forankra i kommunaleiinga og på politisk nivå, men også i dei ulike einingane hos alle tilsette. Manglande og sprikande forståing av kva folkehelsearbeid er kan forsinke mobilisering av folkehelsearbeidet i kommunen. Det er viktig at folkehelsegruppa har eit reelt mandat og handlingsrom, som til dømes rammar og ressursar til å få avvikla møter og gjennomføre oppgåver.

Det er ein fare at ei slik gruppe fungerer som ei arbeidsgruppe med eit nytt prosjekt utan god nok tilknyting og forankring ut i einingane. Intensjonen er at gruppa skal fungere som eit folkehelsenettverk som bind saman og samkøyrer og utviklar folkehelsearbeidet i kommunen. Det er difor viktig at gruppa består av sentrale personar som har posisjon og avgjerdsmynde i forhold til folkehelse i si eining.

Eit viktig utgangspunkt for å få til systematikken i arbeidet er å legge tilrette for ein god prosess. Systematisering er naudsynt for å løfte folkehelsearbeidet til eit strategisk nivå, slik at ei brei tilnærming supplerer fragmenterte tiltak.

Framdrift:

Februar 2017: Vedtatt prosjektmandat

Februar – november 2017: Prosjektgjennomføring

November – desember 2017: Evaluering og vurdering av vegen vidare.

Endringsoversyn

Versjon	Dato	Skildring av endring	Utført av
	31.01.17		Hilde Ulvik Hauge